

O trabalho informativo de Ceivar na rede vai-se fazendo progressivamente um pequeno oco no panorama da comunicação alternativa na Galiza. A tendência crescente em número de visitantes distintos, visitas e páginas lidas crescia mais umha vez o passado mês de Novembro multiplicando-se por três. Se em Outubro fôrom 1084 computadores diferentes os que visitárom o web do organismo anti-repressivo, a cifra expandia-se até os 3294 o mês de Novembro, triplicando o número de visitantes diferentes ao portal. Aliás, passava-se também de 11328 a 32330 páginas visitadas nos últimos 30 dias. O dado vem confirmar umha modesta mas constante trajectória de crescimento e aumento da referencialidade da nossa informaçom. Sem dúvida há que ter em conta dous factos 'extraordinários' para explicar este salto qualitativo: a vaga repressiva lançada sobre o independentismo o passado 14 de Novembro e o papel jogado nos média por Ceivar como 'voz d@s detid@s' e na rua como motor das mobilizaçoms convocadas em distintas localidades. Provavelmente num segundo plano, situa-se também a positiva acolhida com que fôrom recebidos os blogues elaborados pol@s pres@s independentistas galeg@s que, proximamente, colocaremos num apartado específico do portal separado do Noticiário da Repressom. Além de agradecer os milhares de pessoas que fam possível a socializaçom e maior difusom de www.ceivar.org, de Ceivar queremos afirmar a nossa intençom de irmos caminhando progressivamente face um portal que ofereza informaçom anti-repressiva diária, umha maior especializaçom dos conteúdos e umha série de serviços imprescindíveis para o trabalho contra-informativo como a possibilidade de envio de informaçom desde o próprio sítio web.